



**Reglur um akstursþjónustu við fólk með fötlun í Sveitarféluginu
Skagafjörður**

1.gr. Markmið.....	2
2.gr. Notendur.....	2
3.gr. Umsóknir.....	2
4.gr. Afgreiðsla.....	3
5.gr. Undanþágur	3
6.gr. Tilhögun ferða og þjónustutími.....	3
7.gr. Gjaldskrá.....	4
8.gr. Öryggi	4
9.gr. Gildistaka	4

AF

1.gr. Markmið

Markmið akstursþjónustu fyrir fólk með fötlun

Reglur þessar eru settar skv. 29. gr. laga um félagsþjónustu sveitarfélaga nr. 40/1991, með síðari breytingum, og lögum um þjónustu við fatlað fólk með langvarandi stuðningsþarfir nr. 38/2018.

Einnig er stuðst við leiðbeiningar félagsmálaráðuneytisins fyrir sveitarfélög um akstursþjónustu fyrir fólk með fötlun.

Markmið þessara reglna er að tryggja fólk með fötlun í Sveitarfélaginu Skagaströnd skilyrði til að lifa sem eðlilegustu lífi miðað við getu hvers og eins til að komast leiðar sinnar innan Sveitarfélagsins Skagastrandar. Hægt er að sækja um undanþágu frá þessu skilyrði vegna aksturs til viðurkenndra stofnana sem eru utan sveitarfélagamarka vegna tiltekinnar þjónustu. Þær stofnanir sem um ræðir eru FNV, HSN, dreifnám á Blönduði og þjónusta fyrir fatlað fólk á Sauðárkróki. Eru þær umsóknir metnar út frá einstaklingsbundnum aðstæðum og þörf.

Ferð er skilgreind í reglum þessum sem akstur milli tveggja staða en ekki akstur fram og til baka. Miða skal við að hámarksfjöldi ferða sé 50 í mánuði.

Akstursþjónusta er ekki veitt þegar um tímabundna hreyfihömlun er að ræða s.s. vegna beinbrota eða liðskiptaaðgerða nema um sé að ræða varanlega færniskerðingu sem varir meira en sex mánuði.

2.gr. Notendur

Akstursþjónusta fyrir fólk með fötlun er ætluð þeim íbúum sem eiga lögheimili í Sveitarfélaginu Skagaströnd sem uppfylla skilyrði að fötlun þeirra falli að skilgreiningu 2. gr. laga um þjónustu við fatlað fólk með langvarandi stuðningsþarfir nr. 38/2018 og að þeir

- eigi ekki rétt á niðurgreiddri akstursþjónustu frá öðrum aðilum eða rétt á akstri samkvæmt öðrum lögum, reglugerðum eða reglum.
- hafi ekki fengið styrk frá Trygginastofnun ríkisins eða öðrum stofnunum til bifreiðakaupa.

Umsækjandi skal uppfylla eftirfarandi skilyrði:

Að notandi geti ekki komist ferða sinna með sambærilegum hætti og ófatlaðir íbúar sveitarfélagsins vegna langvarandi fötlunar sinnar. Hafi fatlaður einstaklingur átt rétt á að nota akstursþjónustu fatlaðs fólks fyrir 67 ára aldur á hann rétt á þeirri þjónustu eftir að 67 ára aldri er náð óski hann þess, að uppfylltum skilyrðum í reglum þessum.

Fólk með fötlun, sem ekki eiga lögheimili í sveitarfélaginu, geta sótt um ferðaþjónustu og skal hún veitt ef lögheimilissveitarfélagið greiðir fyrir allan kostnað vegna aksturs. Skal samþykki lögheimilissveitarfélags liggja fyrir áður en þjónusta er veitt.

3. gr. Umsóknir

Sækja skal um akstursþjónustu skriflega hjá Félags- og skólapjónust A-Hún. Umsókn telst ekki gild fyrr en öll gögn sem óskað er eftir hafa borist s.s. læknisvottorð eða greining á fötlun. Matsteymi Félags- og skólapjónustu A-Hún vísar beiðni um akstursþjónustu til endanlegrar afgreiðslu sveitarstjórnar sem samþykkir eða synjar þjónustubeiðni. Sveitarstjórn getur óskað eftir nauðsynlegum gögnum til þess að leggja mat á umsókn en faglegt mat er ætíð í höndum

matsteymis félagsþjónustunnar.

Akstursþjónusta fyrir börn:

Forsjáraðilar barna með fötlun sækja um akstur samkvæmt reglum þessum fyrir börn, t.d. vegna tómstunda, læknisferða, sjúkrabjálfunar eða til að rjúfa félagslega einangrun. Barn yngra en 6 ára skal ávallt vera í fylgd með fullorðnum einstaklingi þegar ferðast er með akstursþjónustu fatlaðs fólks. Þurfi barn bílstól er það á ábyrgð forsjáraðila að útvega hann.

4.gr. Afgreiðsla

Umsóknir eru teknar fyrir á matsfundí félagsþjónustu og skulu þær metnar á grundvelli umsækjanda til að komast ferða sinna með öðrum hætti en með sértækri ferðaþjónustu. Við afgreiðslu umsókna er heimilt að óska eftir frekari upplýsingum um umsækjanda og/eða vottorðum. Félagsþjónusta tilkynnir umsækjanda skriflega um samþykki eða synjun sveitarstjórnar á umsókn um akstursþjónustu. Kynna skal niðurstöðu umsóknar svo fljótt sem auðið er. Sé umsókn um þjónustu hafnað skal umsækjandi fá skriflegt svar við þeirri ákvörðun sem rökstudd er með skýrum hætti ásamt leiðbeiningum um málsskot.

5.gr. Undanþágur

Sækja má um undanþágu frá ákvæði 1. mgr. vegna aksturs út fyrir mörk sveitarfélagsins á viðurkenndar þjónustustofnanir sem tilgreindar eru í 1. gr. þessara reglna. Beiðni um undanþágu skal vera skrifleg, ásamt ítarlegri lýsingu á ástæðum undanþágubeiðninnar. Heimilt er að óska eftir frekari upplýsingum um umsækjanda og/eða vottorðum.

Við mat á undanþágubeiðni skal taka tillit til tilefnis og mikilvægi ferðar fyrir notandann og kostnaðar fyrir sveitarfélagið. Gæta skal samræmis við veitingu undanþágu og skal undanþága að jafnaði ekki veitt nema notandi geti ekki komist á áfangastað með öðrum hætti en sérútbúinni bifreið ferðaþjónustunnar, um sé að ræða þjónustu sem notandi getur ekki fengið innan marka sveitarfélagsins og brýn þörf sé fyrir þjónustu.

6.gr. Tilhögur ferða og þjónustutími

Ferð er skilgreind í reglum þessum sem akstur frá A til B innan marka Sveitarfélagsins Skagastrandar. Akstursþjónustan byggist á samnýtingu ökutækja þannig að fleiri en einn notandi ferðast að jafnaði saman.

Við sérstakar aðstæður skulu bílstjórar aðstoða notendur í og úr bifreið. Ef notandi getur ekki ferðast án aðstoðar skal hann útvega sjálfur og kosta fylgd aðstoðarmanns.

Ekki er beðið á meðan notandi sinnir erindi sínu. Bílstjórum er ekki heimilt að sinna sendiferðum fyrir notendur.

Akstursþjónusta fatlaðs fólks er sérhæfð þjónusta og þurfa notendur því að vera viðbúnir töfum eða breytingum á þjónustu, svo sem vegna akstursáætlunar, færðar og umferðartafa á annatímum. Veiting þjónustu er háð því að sveitarfélagið fái viðurkenndan akstursaðila til þess að veita þjónustuna sbr. 8. gr. þessara reglna. Að öðrum kosti er heimilt að semja beint við þjónustuþega um fastar greiðslur vegna aksturs en þjónustuþegi sjálfur sér þá um tilhögur og framkvæmd þjónustunnar.

Við slíka samninga skal tekið mið af kílómetragjaldi Sjúkratrygginga Íslands á hverjum tíma. Við gildistöku þessara reglna er viðmiðunargjald sem greiðist til þjónustuþega því 36 kr/km.

SKJ

7.gr. Gjaldskrá

Fargjöld notenda fyrir akstursþjónustu innan sveitarfélagamarka, þ.e. fyrir fasta ferð, tilfallandi ferð og aðra farþega, taka mið af hálfu almennu fargjaldi Strætó bs. hverju sinni. Ef ferð er ekki afbókuð með sólarhringsfyrirvara er sveitarfélagini heimilt að innheimta gjald samkvæmt gjaldskrá af notanda.

Um gjaldtöku vegna ferða utan sveitarfélagamarka:

Ef gerður er sérstakur samningur við einkaaðila vegna ferðaþjónustu er tekið mið af kílómetragjaldi Sjúkratrygginga Íslands á hverjum tíma. Við gildistöku reglna er viðmiðunargjald sem greiðist af þjónustuþega því 36 kr/km.

8.gr. Öryggi

Ökutæki, ökumenn og aðrir starfsmenn akstursþjónustu fólks með fötlun skulu uppfylla ákvæði gildandi laga og reglugerða um starfsemina auk þess sem hafa ber hliðsjón af leiðbeiningum félagsmálaráðuneytisins fyrir sveitarfélög um akstursþjónustu fyrir fólk með fötlun.

Ökumaður sem sinnir akstursþjónustu fyrir fólk með fötlun skal hafa aukin ökuréttindi, hafa sótt skyndihjálparnámskeið og önnur þau námskeið sem sérstaklega eru ætluð bifreiðarstjórnum fólksflutningabíla. Fyrir ráðningu ökumanns skal liggja fyrir sérstakt sakavottorð eða heimild veitt af hans hálfu til öflunar sérstaks sakavottorðs og upplýsinga úr sakaskrá.

Óheimilt er að ráða starfsmann til aksturs eða annarrar þjónustu fyrir fólk með fötlun sem hlotið hefur refsídum fyrir brot á ákvæðum XXII. eða XXIII. kafla almennra hegningarlaga nr. 19/1940 með síðari breytingum.

Bílstjórar skulu sýna notendum virðingu, tillitssemi, trúnað og kurteisi.

9. gr. Gildistaka

Reglur þessar eru settar skv. 29.gr. laga um félagsþjónustu sveitarfélaga nr. 40/1991, með síðari breytingum og III. Kafla laga um þjónustu við fatlað fólk með langvarandi stuðningsþarfir nr. 38/2018. Einnig var stuðst við leiðbeinandi reglur Félagsmálaráðuneytis fyrir sveitarfélög um akstursþjónustu við fatlað fólk frá 22.apríl 2020. Reglur þessar taka gildi 5. október og skulu endurskoðaðar í það minnsta á tveggja ára fresti.

Samþykkt í sveitarstjórn Sveitarfélagsins Skagastrandar 27. september 2022

